



## Headlines

- 1 78में आजादी आहले ध्याड़े दे सरबंधै च अज्ज जम्मू खित्ते च फुल ड्रेस रिहसल कीती गई।
- 2 स्वतंत्रता दिवस दे मद्देनजर जम्मू खित्ते च सुरक्षा दे पुख्ता बंदोबस्त कीते गेदे न। सशस्त्र बल, खूफिया तौर पर कम्म करने आहले सुरक्षा बल ते शार्प शूटरेँ गी तैनात कीता गेआ ऐ।
- 3 उत्तरी कमान प्रमुख लेफ्टिनेंट जनरल एम.वी सुचिंद्रा कुमार होरेँ जम्मू-कश्मीर च चलाए जा रदे आतंकवाद रोधी अभियानेँ दा जायजा लैता।

- 4 NIRF आस्सेया हाल च जारी कीती गेदी दर्जेबंदी च जम्मू यूनिवर्सिटी ते कश्मीर यूनिवर्सिटी गी मुख्य दी शीर्ष यूनिवर्सिटीज ते इदारे च शामिल होने लेई उप-राज्यपाल मनोज सिन्हा होंरे मुबारकबाद दिती ऐ।

<><><><><><>

### ID-Full Dress Rehursal Jammu

78में स्वतंत्रता दिवस दे सरबंधै च एम.ए स्टेडियम जम्मू च फुल ड्रेस रिहर्सल कीती गई। जम्मू दे डिविजनल कमिशनर रमेश कुमार होंरे राश्ट्रीय झंडा फैहराया ते मार्च पास्ट दी सलामी लैती। इस मौके स्कूली बच्चे, एनसीसी ते पुलस दे दस्ते नै मार्च पास्ट बी कीता। बच्चें आस्से रंगारंग सांस्कृतिक कार्यक्रम बी पेश कीता गेआ। डिविजनल कमिशनर रमेश कुमार होंरे स्वतंत्रता सेनानिएं गी श्रद्धांजलि भेंट कीती। उनें आखेआ।

<><><><><><>

## IDRTR Reasi

हर घर तिरंगा अभियान दे हिस्से दे तौर पर ते स्वतंत्रता दिवस दे सरबंधै च जिला प्रशासन रियासी आस्सेया तिरंगा रैली कड्डी गई। एह जोरावर सिंह स्पोर्ट्स स्टेडियम थवां शुरू होई ते ऋषि चौक जाइए सम्पन्न होई। इस रैली च बक्ख-बक्ख स्कूलें दे विद्यार्थिं, सरकारी कर्मचारिं, युवा स्वयं सेविं ते मुकामी लोकें हिस्सा लैता। इस मौके पर बोलदे होई रियासी दे डिप्टी कमिशनर विशेष महाजन होरें आखेआ।



## IDR-Kathua

78में स्वतंत्रता दिवस दे सरबंधै च कठुआ दे स्पोर्ट्स स्टेडियम च फुल ड्रेस रिहर्सल कीती गई। इस दौरान पुलस, सीआरपीएफ, सेना, एनसीसी कैडट्स आस्सेया मार्च पास्ट कीता गेआ। कठुआ दे एडीडीसी सुरिंद्र मोहन शर्मा होरें परेड दी सलामी लैती। अपने

संबोधन च एडीडीसी होरें लोकें गी जिला प्रशासन दी तरफा मुबारकबाद दिती। उनें आखेआ।

<><><><><><>

### I-Day F. Dress Doda

हर घर तिरंगा अभियान दे हिस्से दे तौर पर डोडा च तिरंगा रैली कड्डी गई। इस रैली गी डोडा दे डिप्टी कमिशनर हरविंद्र सिंह होरें स्पोर्ट्स स्टेडियम डोडा थां रवाना करोआया। एहदे च केईं सारे स्कूली विद्यार्थिं, सरकारी मैहकमें, पुलस ते नीम फौजी बलें हिस्सा लेता। एह रैली स्पोर्ट्स स्टेडियम थां शुरू होई ते क्लॉक टावर ते बस स्टैंड होंदे होई परतिए स्टेडियम आइए सम्पन्न होई गई। रैली दी अगुवाई डोडा दे डिप्टी कमिशनर ते एसएसपी होरें कीती। डोडा दे डिप्टी कमिशनर होरें आखेआ।

<><><><><><>

## ID-Full Dress Udh.

78में स्वतंत्रता दिवस दे सरबंधै च उधमपुर दे जागतें दे सरकारी डिग्री कॉलेज च फुल ड्रेस रिहर्सल कीती गई। उधमपुर दे ए.डी.डी.सी रजिंद्र सिंह होरें राश्ट्रीय झंडा फैहराया ते परेड दी सलामी लैती। परेड च पुलस, एनसीसी, होम गार्ड ते शिक्षा इदारें दे दस्ते नै मार्च पास्ट च हिस्सा लेता। ए.डी.डी.सी रजिंद्र सिंह होरें आखेआ।

<><><><><><>

## ID-Full Dress Rajouri

राजौरी दी जिला पुलस लाइन च स्वतंत्रता दिवस सरबंधी फुल ड्रेस रिहर्सल कीती गई। राजौरी दे एडीसी राजीव कुमार खजूरिया होरें पुलस, सीआरपीएफ ते विद्यार्थिणं दे दस्ते आस्सेया कीती गेदी परेड दी सलामी लैती।

<><><><><><>

## Jatinder-TR Kathua

प्रधानमंत्री हुंदे दफतरै च राज्यमंत्री डॉ. जतिंद्र सिंह होरें कालीबड़ी राश्ट्रीय जरनैली शिड़क थ्वां शुरू होई दी तिरंगा यात्रा च हिस्सा लैता। एह यात्रा कठुआ दे मुखर्जी चौक जाइए सम्पन्न होई। डॉ. जतिंद्र सिंह होरें तिरंगा बाइक रेली दी अगुवाई कीती। इस मौके लोकें राश्ट्रीय झंडे हत्थें च लैते दे हे ते ओह भारत माता दी जय दे नारे ला'रदे हे।

<><><><><><>

## Tiranga-Rally-Poonch

भारतीय जनता युवा मोर्चा दी पुंछ इकाई आस्सेया पुंछ च इक तिरंगा रैली दा सरिस्ता कीता गेआ। एहदी अगुवाई बीजेपी दी जम्मू-कश्मीर इकाई दे अध्यक्ष रविंद्र रैना होरें कीती। एह रैली एस.के ब्रिज थ्वां शुरू होई ते शंकर नगर, परेड, ओल्ड सिटी, किला बजार थ्वां हुंदी

होई बस स्टैंड स्थित शहीद मंजीत सिंह मेमोरियल जाइए सम्पन्न  
होई गई।



## ID-Security

78में स्वतंत्रता ध्याड़े पर कुसै बी माड़ी घटना गी रोकने लेई समूलचे  
जम्मू क्षेत्र च सुरक्षा दे तगड़े इंतजाम कीते गेदे न। आकाशवाणी  
जम्मू दे संवाददाता नै खबर दिती ऐ जे प्रशासन नै आजादी आहले  
ध्याड़े गी रमानदारी कन्नै मनाए जाने लेई ते सुरक्षा गी यकीनी  
बनाए जाने गितै कोई कसर नेई छोड़ी ऐ। मुख्य प्रोग्राम श्रीनगर दे  
बखशी स्टेडियम च होग जित्थे लेफिटनेंट गवर्नर मनोज सिन्हा होर  
सलामी लैडन ते प्रोग्राम दी अध्यक्षता करडन। प्रोग्राम च ज्हारां बद्दे  
लोकें दे शामिल होने दी मेद ऐ। जम्मू च लेफिटनेंट गवर्नर हुंदे  
सलाहकार आर.आर भटनागर होर मौलाना आजाद स्टेडियम च  
लग्गने आहले प्रोग्राम दी प्रधानता करंगन। सुरक्षा बलें श्रीनगर च

निगरानी बदाई दिती दी ऐ। जम्मू-श्रीनगर राश्ट्रीय जरनैली शिड़का समेत बक्ख-बक्ख रस्तें पर जांच कार्रवाई चला करदी ऐ। जम्मू च प्रोग्राम आहली थाहरा दे आले-दुआले उच्ची ईमारतें पर पुलस ते सीआरपीएफ दे शार्प-शूटर तैनात कीते गेदे न। तकनीकी निगरानी बी कीती जा करदी ऐ।

<><><><><><>

### NC-Visit

उत्तरी सेना दे कमांडर लेफ्टिनेंट जनरल एम.वी सुचिंद्र कुमार होरें अज्ज जम्मू-कश्मीर दे चिनाव घाटी इलाके च एल्लै चला करदी आतंक विरोधी कार्रवाइयें दा जायजा लैतां लेफ्टिनेंट जनरल कुमार होरें डोडा ते किश्तवाड़ च विद्रोहियें कन्नै निब्बड़ने सरबंधी डेल्टा फोर्स दी अगेत्री थाहरें दा दौरा लाया। उनें एल्लै चला करदे ते आने आहले प्रोग्रामें दी सुरक्षा हिफाजत गी यकीनी बनांदे होई जोरें-शोरें कन्नै कार्रवाई करने लेई आखेआ। फौज दी उत्तरी कमान नै एहदे बारै एक्स पर इक्क पोस्ट लिखी। पोस्ट च आखेआ गेआ ऐ जे

लेफ्टिनेंट जनरल हौरें इलाके च लाए जा करदे बाद्दू बलें दी तैनाती दे विकल्पें दा आंकलन कीता ते पुलस ते नीम फौजी बलें कन्नै बेहतर तालमेल पर जोर पाया। डोडा जिले च उच्ची थाहरें पर 12 जून सवां बक्ख-बक्ख इलाकें च होए दे अद्दी दर्जन कोलां मते टाक्करें च 4 फौजी शहीद होई गे हे, इंदे च इक्क कैप्टन बी शामिल हे। इनें टाक्करें च 3 विदेशी आतंकवादी मारे गए हे। किश्तवाड़ जिले च Nownatta ते Naagseni Peyaas च तपाशी आहली कार्रवाई दौरान सुरक्षाबलें ते आतंकवादियें बश्कार 11 अगस्त गी इक् टाक्करा भइकी पेआ हा। दौनें जिलें च सुरक्षाबलें बड्डा तपाशी अभियान चलाए दा ऐ।

<><><><><><>

## **LG-University**

लेफ्टिनेंट गवर्नर श्री मनोज सिन्हा हौरें हाल च NIRF आस्सेया जारी कीती गेदी दर्जेबंदी च जम्मू यूनिवर्सिटी, कश्मीर यूनिवर्सिटी, एन.आई.टी श्रीनगर, आई.टाई.एम जम्मू, श्री माता वैष्णो देवी

यूनिवर्सिटी, शेरे-कश्मीर यूनिवर्सिटी ऑफ एग्रीकल्चर टेक्नोलाजी जम्मू ते शेरे-कश्मीर यूनिवर्सिटी ऑफ एग्रीकल्चर टेक्नोलाजी कश्मीर गी मुल्खै च अक्वल यूनिवर्सिटियें ते संस्थानें दी सूची च शामिल होने पर ममारखां दितियां न। लेफ्टिनेंट गवर्नर हों ऐक्स पर लिखी दी इक्क पोस्ट च आखेआ जे शिक्षा मंत्रालय आस्सेया जारी कीती गेदी NIRF दर्जेबंदी च विश्वविद्यालयें दी श्रेणी च जम्मू यूनिवर्सिटी पैहली बारी 50 अक्वल यूनिवर्सिटयें च शामिल होई ऐ। उनें इस उपलब्धि लेई उप-कुलपति प्रो. उमेश राय, शिक्षकें ते गैर शिक्षक अमले गी ममारखां दितियां न। एन.आई.टी श्रीनगर नै 79मीं थार हासल कीती ऐ। श्री माता वैष्णो देवी यूनिवर्सिटी वास्तु कला च 40एं अक्वल संस्थानें च शामिल होई गेई ऐ। आई.आई.टी जम्मू ते आई.आई.एम जम्मू बी इंजीनियरिंग ते प्रबंधन संस्थान दी 100 अक्वल संस्थानें दी सूची च शामिल ऐ।

<><><><><><><>

## VP-HGTBR

उपराश्ट्रपति जगदीप धनखड़ होरें आजादी आहले ध्याड़े कोलां पैहले अज्ज बड्डलै नमीं दिल्ली दे भारत मंडपम सवां हर घर तिरंगा बाइक रैली गी झंडी दस्सिये रवाना कीता। इस मौके पर केंद्री मंत्री गजेंद्र सिंह शेखावत, राम मोहन नायडू, किरेन रिजिजू ते मनसुख मांडविया होर मजूद हे। एह रैली मेजर ध्यान चंद नेशनल स्टेडियम च खत्म होई।

<><><><><><>

## Amrit-Udyan

राश्ट्रपति द्रौपदी मुर्मू होर कल राश्ट्रपति भवन च सोए आहले सलाना अमृत उद्यान 2024 दा उद्घाटन करडन। अमृत उद्यान शुक्रवारें सवां 15 सितंबर तोड़ी आम जनता लेई खुल्ला रौहग।

<><><><><><>

## Govt. Fisheries

उपराश्ट्रपति जगदीप धनखड़ होरें आजादी आहले ध्याड़े कोलां पैहले अज्ज बड्डलै नमीं दिल्ली दे भारत मंडपम सवां हर घर तिरंगा बाइक रैली गी झंडी दस्सिये रवाना कीता। इस मौके पर केंद्री मंत्री गजेंद्र सिंह शेखावत, राम मोहन नायडू, किरेन रिजिजू ते मनसुख मांडविया होर मजूद हे। एह रैली मेजर ध्यान चंद नेशनल स्टेडियम च खत्म होई।

<><><><><><>

## Jaishankar India-US

विदेश मंत्री एस. जयशंकर होरें आखेआ ऐ जे भारत दुनिया भरै च लोकवाद दा समर्थक ऐ। उनें भरोसा जताया जे जेड़े बी अमरीका दे नमें राश्ट्रपति होडन, ओह भारत कन्नै खरे सरबंध बनाडन। मंत्री होर भारत-अमरीका सरबंधें दे विकास ते अमरीका च रौहने आहले भारतीय प्रवासियें गी संबोधित करा रदे हे। भारत-अमरीका सरबंधें पर डॉ. जयशंकर होरें आखेआ जे भारतीय प्रवासियें दा दपक्खी

सरबंधे च इक्क बड़ा गै खरा योगदान ऐ। उनें आखेआ जे एच वन  
वी नै भारत-अमरीका सरबंधे गी मजबूत करने च शीत युद्ध  
जिन्ना गै योगदान दिता ऐ।

<><><><><><>